



## **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1858**

2247. Markgraf Heinrich bestätigt dem Grafen Berthold von Henneberg  
die demselben vom König Heinrich für 2000 Mark Silber verpfändete Stadt  
Schweinfurth, am 18. Juni 1310.

---

---

**Nutzungsbedingungen**

[urn:nbn:de:hbz:466:1-56621](https://nbn-resolving.org/urn:nbn:de:hbz:466:1-56621)

2246. Die Markgräfin Anna ersetzt dem Kloster Langheim erlittene Beschädigungen,  
am 31. Oktober 1309.

In Nomine sancte et indiuidue Trinitatis Amen. Cum is, cuius deliciae sunt, cum filiis hominum habitare, fratres Ordinis Cystericiensis in peculiarem sibi populum elegerit ex omnibus, quos mundus habuit ab eterno, ipsi sunt merito pre ceteris ad cultum diuini nominis promouendi. Hinc est, quod Nos Anna, dei gracia Brandenburgensis quondam et Lusatiae Marchionissa et domina de Hennenberg, Recognoscimus tam presentibus quam futuris, quod attendentes varia dampna, Ecclesie sancte Marie virginis dicti ordinis Cystericiensis in Lankheim a nostris predecessoribus, quorum labores introiuimus et possessiones disponente altissimo possidemus illata, Et quia Reuerendus pater, dominus Henricus, eiusdem Ecclesie Abbas, et frater Bertholdus de Tambach nomine totius Conuentus, omnia dampna prehabita, nobis et dictis nostris predecessoribus piissime relaxantes, omnium bonorum spiritualium, que in ipsa Ecclesia Lankheim hactenus deus dedit et perpetuo est daturus, participes nos fecerunt, Pro multis et magnis modicum refundentes, Juspatronatus Capellae in Merkerhufen, cum omnibus appendiciis et usufructibus, ad ipsam Capellam spectantibus, eidem Ecclesie in Lankheim, ad laudem dei omnipotentis eiusque sancte Matris et virginis Marie, ad salutem quoque animarum nostre videlicet et Serenissimi domini et Patris nostri Alberti, Romanorum Regis, ac Magnifici Principis domini et Mariti nostri Hermanni, Marchionis Brandenburgensis, et omnium predecessorum ac successorum nostrorum dedimus et presentibus damus iusto proprietatis titulo perpetuo possidendum. In cuius rei euidentis testimonium Sigillum nostrum presentibus est appensum. Testes quoque huius sunt Otto Pincerna dictus Prouincialis noster, vir religiosus frater Burchardus Commendator domus Teuthonice in Munrichstat, Otto de Kunigsmarke Pincerna noster, Cunradus de Hesseburg, Albertus de Bartdorff, Hermannus de Stermberg et Karolus de Heldriet, et plures alii fide digni. Actum et datum in vespera, anno domini M<sup>o</sup>. CCC<sup>o</sup>. IX<sup>o</sup>. vigilia omnium sanctorum.

Aus der Sammlung des Hennebergischen Alterthums-Vereins zu Meiningen, von Beckstein mitgetheilt.

2247. Markgraf Heinrich bestätigt dem Grafen Berthold von Henneberg die demselben vom König Heinrich für 2000 Mark Silber verpfändete Stadt Schweinfurth, am 18. Juni 1310.

Nos Heynricus, dei gratia Brandenburgensis et Landesbergensis Marchio, recognoscimus publice per presentes, quod obligationi opidi Swinfurthe cum omnibus suis pertinenciis, quod inquam opidum imperii esse dinoscitur, per serenissimum dominum nostrum dominum Heynricum, Romanorum regem facte nobilo (sic)

viro Bertholdo comiti de Hennenberg, pro duobus milibus marcarum puri argenti, prout in literis ipsius domini H(einrici) regis eidem comiti traditas continetur, propter gracia, fidelia et fructuosa servicia, que idem comes tam predicto domino nostro regi, quum predecessori suo et ipsi imperio impendit, presentibus consentimus. In cuius rei testimonium presens scriptum nostri sigilli munimine duximus roborandum. Datum Sangerhusen, Anno domini M<sup>o</sup>. CCC<sup>o</sup>. X<sup>o</sup>. XIIIJ. Kalend. Julij.

Senneberg'sches Urkunden-Buch, II, 9.

2248. König Heinrich zeigt der Stadt Lübeck an, daß, da der Markgraf Waldemar von Brandenburg als Vormund des Markgrafen Johann für die noch übrigen sieben Jahre die dortigen Reichsgefälle zu beziehen habe, demselben auch die Pflichten eines Schirmvogtes der Stadt für diese Zeit übertragen seien, am 18. Juli 1310.

Heinricus, Dei gracia Romanorum rex, semper augustus, Prudentibus viris . . . consulibus totique vniuersitati ciuium Lubicensium, fidelibus suis dilectis, gratiam suam et omne bonum. Cum illustris princeps noster et imperii, Waldemar, marchio Brandenburgensis, nomine tutorio Johannis, marchionis Brandenburgensis, iuxta litteras inclite recordacionis Alberti, quodam Romanorum regis, predecessoris nostri, quas ipsi quoad hoc confirmauimus, adhuc a presenti festo beati Jacobi, quod est anno domini M<sup>o</sup>. CCC<sup>o</sup>. decimo, per septem annos continuos redditus nobis a vobis annis singulis competentes percipere debeat, ac iuxta prefatarum litterarum nostri predecessoris continenciam vos et ciuitatem nostram Lubeke gubernare et defendere vice nostra et sacri imperii teneatur, volumus et precipimus eidem, vt, donec super factis et agendis vestris ad ipsum recursum habueritis, vos vniuersos et singulos in vestris iuribus, libertatibus, et vt ab impugnantium et molestantium vos preferuemini insultibus, per dictos septem annos nostro et sacri imperii, cui immediate subesse dinoscimini, nomine manuteneat et defendat fideliter ac constanter. Datum apud Frankenvort, XV Kalendas Augusti, anno Domini M<sup>o</sup>. CCC<sup>o</sup>. decimo, regni vero nostri anno secundo.

Aus dem Lübecker Urkunden-Buch, Theil II, S. 224.